

Tèst bo mes:

Kontestá SI òf NO na kada pregunta aki bou:

1. Bo a yega di sinti ku bo mester baha man ku wega(nan di plaka)?
2. Bo a yega di ninga òf skonde bo komportashon di wega di plaka pa otro hende no kritikábo, dor ku bo ta hunga plaka hopi?
3. Dor di bo komportashon di wega di plaka; bo a yega di hañabo den problemanan emoshonal, familiar, ekónomiko òf problema na trabou?
4. Frekuentemente bo ta sinti un gana iresistibel pa bai hunga plaka ounke esaki ta kousa di bo problemanan?

Resultado:

Si bo kontesta tabata SI na dos òf mas pregunta, FMA ta rekondá bo pa buska yudansa profesional pa evaluá bo kasos mas profundo. Esaki ta posibel na FMA.



Pa traha un sita, bo por yama òf pasa na nos edifisio.

Fundashon pa Maneho di Adikshon

Oosterbeekstraat 11, Sherasil /T: 461-5977 òf 670-5544 W: www.fma-curacao.com / E: info@fma-curacao.com

Pa mas informashon tokante droga
i adikshon, bo por bishitá nos wèpsait.



Introdukshon

Wega di plaka hopi biaha ta kuminsá como un aktividat pa diberterí i pasa prèt. Mayoria hende por gèmbel na un manera responsabel: por ehèmpel segun por nan ta kumpra number. Òf den wikènt nan ta bai nan 'bon kuné' òf bingo. No tin nada malu den purba bo suerte de bes en kuando.

Pero pa sierito hende wega di plaka no ta algu asina inosente mas: tin hende no por biba mas sin e 'sensashon', e kick, di wega di plaka. E kick ta sali for di e tenshon di gana òf pèrdè. E persona adikto ta lubidá tur kos ku ta rònt di dje anto e ta bira un ku e wega. E tenshon i emoshon ku e gèmbelmentu ta dun'é ta meskos ku e *high* di un persona bou di efekto di alkohòl òf droga. E *high* ta yuda tapa tur preokupashon i laga e persona sinti' é "bon".

Adikshon na kasino ta hopi peligroso pasobra e ta un adikshon skondí. Ta difísil pa bo sa si un persona ta adikto pasobra por lo general bo no ta ripará nada straño na dje. Ora e persona buska yudansa su problema di wega di plaka por ta hopi serio kaba.


Dikon hende ta hunga wega di plaka?

- Nan ta kere ku nan por gana hopi sèn fásilmente;
- Pa dibertishon;
- Pa hunga grandi den kompania di amigunan;
- Pasobra amigu(a)nan òf famia ta hunga;
- Pa aventura i sensashon i e kick ku bo ta sinti ora bo gana;
- Pa lubidá òf hui pa problema di tur dia;
- Pa mata tempu;

Tipo di wega di plaka:

- Wega di plaka kaminda bo por mira resultado mesora, manera mashin di plaka, remate, wega di kasino, wega di karta, tira dou, raspa i gana, nòk, '21', sierto tipo di Sports Betting i wega di number. Den e último añanan *gambling* via internèt a oumentá.

- Wega di plaka kaminda bo no sa e resultado mesora, manera brièchi, lòt òf loto.
- Weganan ku ta duna resultado mesora ta hopi mas adiktivo kompará ku esnan ku no ta duna un resultado inmediato.



Ki ora bo ta adikto na wega di plaka?

Na FMA nos ta usa algun kriterio pa por yega na sa ki ora nos ta papia di adikshon na wega di plaka. Ora bo tin un òf mas di e komportashonnan aki posiblemente bo lo por tin problema ku wega di plaka.

- Konstantemente bezig ku wega di plaka, sea aktivamente òf mentalmente.
- Saka montantenan di sèn kada biaha mas haltu pa sinti e kick.
- Intento(nan) pa stòp òf baha man no ta logra.
- Inrankil òf iritá ora bo ta purba baha man òf stòp.
- Bai hunga plaka di nobo pa por kita e problemanan for di bo mente, pa kita angustia, depreshon òf sintimentu di kulpa.
- Ke gana e sèn bék ku bo a pèrdè.
- Gaña famia òf konosínan tokante e kompartashon ku wega di plaka.
- Hòrta, gaña òf hasi froude pa por sigui hunga plaka.
- Problemanan finansiero komo konsekuensia di wega di plaka

Konsekuensianan di adikshon na wega di plaka

- Problema finansiero: Un persona ku ta adikto na wega di plaka ta si-gui gèmbel, asta ora e ta den problemanan finansiero grave.
- Su relashonnan ku famia, amigunan, trabou i/ òf estudio ta bai atras.
- Problemanan mental: miedu, angustia i kulpa.
- Ora e persona stòp ku komportashon di wega di plaka e ta haña síntomanan di apstinensia, manera: problema pa drumi, doló den stoma, doló di kabes, atake di pániko, rabia, iritashon i depreshon.

Wega di plaka i e seleber

Dor di e tenshon konstante di gana òf pèrdè e seleber ta produsí un kantidat grandi di dos supstansia: endorfina i adrenalina. Dor di esaki e persona ta sintié "dushi" i e eksperensiun kick. E tenshon i e kick ta aktivá e sentro di plaser òf rekompensa den seleber. I e seleber ta produsí un supstansia ku yama dopamina. E dopamina ta laga e persona sinti e sensashon di rekompensa òf high. I mas tantu un hende gèmbel, mas dopamina e ta haña i mas plaser e ta sinti.